

III. OUTRAS DISPOSICIÓNS**CONSELLERÍA DE POLÍTICA SOCIAL E XUVENTUDE**

RESOLUCIÓN do 18 de agosto de 2023, da Dirección Xeral de Familia, Infancia e Dinamización Demográfica, pola que se publica a Resolución do 18 de agosto de 2023 de selección de entidades privadas sen ánimo de lucro para a concertación, mediante procedemento de asignación de concerto social, da xestión dos centros de intervención educativa en medio aberto (CIEMA) dirixidos a persoas menores que teñan que cumprir medidas xudiciais e outras actuacións de medio aberto previstas na Lei orgánica 5/2000, do 12 de xaneiro, reguladora da responsabilidade penal dos menores, nas provincias de Lugo, Ourense e Pontevedra (código de procedemento BS213J).

No *Diario Oficial de Galicia* número 115, do 19 de xuño de 2023, publícase a Resolución do 1 de xuño de 2023, da Consellería de Política Social e Xuventude, pola que se publica a convocatoria, mediante procedemento de asignación de concerto social, para a selección de entidades encargadas da xestión dos centros de intervención educativa en medio aberto (CIEMA) dirixidos a persoas menores que teñan que cumprir medidas xudiciais e outras actuacións de medio aberto previstas na Lei orgánica 5/2000, do 12 de xaneiro, reguladora da responsabilidade penal dos menores, nas provincias de Lugo, Ourense e Pontevedra (código de procedemento BS213J).

O número 6 da cláusula M) do anexo I da Resolución do 1 de xuño de 2023 establece que a resolución de concertación será publicada no *Diario Oficial de Galicia* e a publicación terá os efectos da notificación, consonte o artigo 45 da Lei 39/2015, do 1 de outubro, do procedemento administrativo común das administracións públicas. Así mesmo, serán igualmente obxecto de publicidade a través da páxina web da Consellería de Política Social e Xuventude.

Unha vez instruído de conformidade coas bases do procedemento de selección, tras a valoración dos criterios e emitida a proposta, o 18 de agosto de 2023 o órgano competente emite a resolución que finaliza o dito procedemento.

Polo exposto,

RESOLVO:

Primeiro. Ordenar a publicación no *Diario Oficial de Galicia* do contido íntegro da Resolución do 18 de agosto de 2023 ditada no procedemento BS213J de selección de entida-

CVE-DOG: a4n7uxs4-eg32-qx8-a1a0-tetozagadj9



des privadas sen ánimo de lucro para a concertación, mediante procedemento de asignación de concerto social, da xestión dos centros de intervención educativa en medio aberto (CIEMA) dirixidos a persoas menores que teñan que cumprir medidas xudiciais e outras actuacións de medio aberto previstas na Lei orgánica 5/2000, do 12 de xaneiro, reguladora da responsabilidade penal dos menores, nas provincias de Lugo, Ourense e Pontevedra, que se xuntará á presente resolución no anexo.

Segundo. Notificada a resolución polo órgano competente, procederase á formalización do concerto coa entidade seleccionada para cada lote.

A formalización deste concerto social, de acordo co establecido no artigo 19 do Decreto 229/2020, do 17 de decembro, polo que se desenvolve o réxime de concertos sociais no ámbito da Comunidade Autónoma de Galicia, farase mediante un documento administrativo dentro dos 30 días seguintes ao da publicación da resolución de concertación.

O concerto social perfeccionarase coa súa formalización e non se poderá iniciar a súa execución sen terse efectuado esta previamente.

Efectuada a formalización, as entidades concertadas estarán obrigadas a prestar ás persoas usuarias os servizos sociais nas condicións establecidas na normativa sectorial aplicable, na resolución da convocatoria do concerto social e, de ser o caso, nos criterios de preferencia e selección da entidade.

Santiago de Compostela, 18 de agosto de 2023

Jacobo José Rey Sastre
Director xeral de Familia, Infancia e Dinamización Demográfica

ANEXO

Resolución do 18 de agosto de 2023 pola que se seleccionan entidades privadas sen ánimo de lucro para a concertación, mediante procedemento de asignación de concerto social, da xestión dos centros de intervención educativa en medio aberto (CIEMA) dirixidos a persoas menores que teñan que cumprir medidas xudiciais e outras actuacións de medio aberto previstas na Lei orgánica 5/2000, do 12 de xaneiro, reguladora da responsabilidade penal dos menores, nas provincias de Lugo, Ourense e Pontevedra (código de procedemento BS213J)

A través da Resolución do 1 de xuño de 2023, da Consellería de Política Social e Xuventude, publícase a convocatoria, mediante procedemento de asignación de concerto social, para a selección de entidades encargadas da xestión dos centros de intervención



educativa en medio aberto (CIEMA) dirixidos a persoas menores que teñan que cumprir medidas xudiciais e outras actuacións de medio aberto previstas na Lei orgánica 5/2000, do 12 de xaneiro, reguladora da responsabilidade penal dos menores, nas provincias de Lugo, Ourense e Pontevedra (código de procedemento BS213J).

Unha vez examinadas as solicitudes polo órgano instrutor, avaliadas as ditas solicitudes pola Comisión de Valoración, vista a proposta de resolución formulada pola Dirección Xeral de Familia, Infancia e Dinamización Demográfica,

RESOLVO:

Primeiro. Seleccionar para levar a cabo a execución por lotes, as seguintes entidades, en aplicación dos criterios de valoración e baremo da cláusula O) do anexo I da Resolución do 1 de xuño de 2023, publicada no DOG núm. 115, do 19 de xuño.

Consonte os criterios de valoración reflectidos no texto da resolución, a Comisión de Valoración establece as seguintes puntuacións para as entidades presentadas ao concerto:

Lote 1: Centro de Intervención Educativa en Medio Aberto (CIEMA) na provincia de Lugo.

Entidade: Fundación Educativa e Social Dignidade.

Total puntuación de criterios	86,90 puntos
-------------------------------	--------------

Lote 2: Centro de Intervención Educativa en Medio Aberto (CIEMA) na provincia de Ourense.

Entidade: Asociación Centro Trama.

Total puntuación de criterios	76,30 puntos
-------------------------------	--------------

Lote 3: Centro de Intervención Educativa en Medio Aberto (CIEMA) na provincia de Pontevedra.

Entidade: Asociación Arela.

Total puntuación de criterios	79,20 puntos
-------------------------------	--------------



Segundo. Adxudicar o lote 1 do concerto social do xeito que a seguir se indica, polo importe que se sinala, á entidade seguinte:

Entidade	Fundación Educativa e Social Dignidade
NIF	G27473677

Código de procedemento: BS213J.

Modalidade de concertación: procedemento de asignación de concertos.

Data de publicación: 19 de xuño de 2023.

Prazo de execución: o prazo de duración do concerto será desde o 1.9.2023 ata o 31.8.2027.

O importe de adxudicación (exento de IVE) é o seguinte:

2023 (4 meses)	94.847,88 €
2024	318.727,32 €
2025	326.691,96 €
2026	326.691,96 €
2027 (8 meses)	228.082,80 €
Total 4 anos	1.295.041,92 €

Terceiro. Adxudicar o lote 2 do concerto social do xeito que a seguir se indica, polo importe que se sinala, á entidade seguinte:

Entidade	Asociación Centro Trama
NIF	G80054760

Código de procedemento: BS213J.

Modalidade de concertación: procedemento de asignación de concertos.

Data de publicación: 19 de xuño de 2023.

Prazo de execución: o prazo de duración do concerto será desde o 1.9.2023 ata o 31.8.2027.



O importe de adxudicación (exento de IVE) é o seguinte:

2023 (4 meses)	92.996,96 €
2024	313.478,88 €
2025	322.022,76 €
2026	322.022,76 €
2027 (8 meses)	224.981,68 €
Total 4 anos	1.275.503,04 €

Cuarto. Adxudicar o lote 3 do concerto social do xeito que a seguir se indica, polo importe que se sinala, á entidade seguinte:

Entidade	Asociación Arela
NIF	G36846152

Código de procedemento: BS213J.

Modalidade de concertación: procedemento de asignación de concertos.

Data de publicación: 19 de xuño de 2023.

Prazo de execución: o prazo de duración do concerto será desde o 1.9.2023 ata o 31.8.2027.

O importe de adxudicación (exento de IVE) é o seguinte:

2023 (4 meses)	115.285,12 €
2024	391.735,56 €
2025	401.070,72 €
2026	401.070,72 €
2027 (8 meses)	279.674,56 €
Total 4 anos	1.588.836,68 €

Quinto. Asinar o concerto social coa entidade seleccionada dentro dos 30 días seguintes ao da publicación da resolución de concertación, segundo indica o artigo 19 do Decreto 229/2020, do 17 de decembro, polo que se desenvolve o réxime de concertos sociais no ámbito da Comunidade Autónoma de Galicia.



Sexto. Contra esta resolución que esgota a vía administrativa poderá interpoñerse recurso potestativo de reposición ante o mesmo órgano que a ditou, no prazo dun mes contado a a partir do día seguinte da publicación desta resolución no *Diario Oficial de Galicia* ou ben directamente recurso contencioso-administrativo ante a Sala do Contencioso-Administrativo do Tribunal Superior de Xustiza de Galicia no prazo de dous meses contados a partir do día seguinte da súa publicación no *Diario Oficial de Galicia*.

Sétimo. A resolución de concertación será publicada no *Diario Oficial de Galicia* e a publicación terá os efectos da notificación, consonte o artigo 45 da Lei 39/2015, do 1 de outubro, do procedemento administrativo común das administracións públicas, tal como se indica no artigo 17.2 do Decreto 229/2020, do 17 de decembro.

Santiago de Compostela, 18 de agosto de 2023. A conselleira de Política Social e Xuventude. P.D. (Artigo 16 do Decreto 229/2020, do 17 de decembro). Jacobo José Rey Sastre, director xeral de Familia, Infancia e Dinamización Demográfica.

CVE-DOG: a4n7uxs4-eg32-qx8-a1a0-tetozagadj9

